

舌

舌者心之候脾之脉絡於舌也二經有熱無所於泄而發於舌如舌絡微緊時時舒舌謂之弄舌附舌下近舌根生形如舌而小謂之重舌舌漸漸腫大塞滿口中謂之木舌〔曾〕凡患此證是脾與心肝屢受極熱有所謂重舌木舌又謂之舌黃鶩口名雖異皆熱也大抵重舌生於舌下挺露如舌故曰重舌然脾之絡脉係舌傍肝之絡脉係舌本心之絡脉係舌根凡此三經或爲濕熱風寒所中則舌捲縮或舒長或腫

滿宜消黃散綠袍散主之及當歸散羌活散與服

當歸散

發熱

羌活散

發熱

弄舌錢

弄舌者脾藏微熱令舌絡微緊時時舒舌治

勿用冷藥及下之當少與瀉黃散漸服之

田氏云若肥實者用

牛黃散

治之

或欲飲水醫疑為熱用冷藥下之者非也

飲水者脾胃津液少故也又加面黃肌瘦五心煩熱

即為疳宜加胡黃連輩若大病未已用藥後弄舌

者凶

薛

小兒舌微露而即收者名弄舌此屬心脾

虧損用溫脾散補之舌舒長而良久不收者名吐舌

乃心脾積熱用瀉黃散主之或兼口舌生瘡作渴飲

冷屬胃經實熱亦用前散作渴飲熱屬胃經虛熱用
四君子湯食少作渴或大便不實脾胃虛弱也用七
味白朮散口角流涎或腮頰患腫胃虛風熱也先用
人參安胃散次用七味白朮散若午後甚者脾血虛
也四物多加參朮茯苓未應用補中益氣湯及審五
臟相勝若因疳瘦所致當參諸疳門

瀉黃散

脾

溫脾散

腹脹

白朮散

渴

人參安胃散

脾

四物湯

失血

補中益氣湯

虛羸

重舌湯
重舌附舌下近舌根生形如舌而小謂之重

舌其著舌下如此者名重舌其著頰裏及上腭如此者名重腭其著齒斷上如此者名重斷皆刺之出血可也 治法用苦竹瀝漬黃檗末點舌上如不愈後

用真蒲黃傅之不過三次愈

用真蒲黃微炒帛鋪地上出火氣研細每挑些

糝舌下更以溫水蘸熟帛裏拊輕輕按之按罷摻藥

馬牙硝塗舌下日三度

先用新水採口并舌上下後用皂莢針燒灰入腦

子少許每用半字糝舌上下出涎立效

亦治木舌

燒烏

賊魚骨細研和雞子黃傅喉及舌上

亂髮灰細研

以半錢傅舌下日不住用之

桑白皮煮汁塗乳飲

之

張烏魚散 治小兒重舌

烏魚骨 壹兩 蜣蜋 燒灰

蒲黃 各伍錢

枯白礬 貳錢 伍分

右爲極細末用鷄子黃調塗舌下嚥津無妨

青液散 治小兒重舌及口瘡

青黛 朴硝 各壹錢 龍腦 壹字

右爲細末用蜜調鶯翎蘸少許傅之

當歸連翹湯 治小兒心脾有熱致生重舌

當歸尾 連翹 川白芷 各叁錢

大黃 煨 甘草 各壹錢

右咬咀用水一盞煎食前服

一捻金散 治小兒重舌及木舌

雄黃 貳錢

鵬砂 壹錢

腦子 少許

甘草 半錢

右爲細末乾摻舌上或用蜜湯調驚翎刷嚥

綠袍散 治重舌及滿口內外瘡毒咽膈不利

薄荷葉 去老梗

荊芥穗 貳錢 各伍錢

青黛

元明粉

鵬砂 叁錢 各貳錢半

百藥煎

甘草 貳錢 各叁錢

右剉焙爲末元明粉鵬砂二味在乳鉢內細杵同

前藥末再杵勻用壹字至半錢乾點舌上令其自化或新汲水入蜜調點舌上亦好

木舌木舌者舌腫漸漸麤大滿口不急治卽塞殺人
也 曾木舌者舌腫硬而妨乳食此爲風熱盛也以
當歸散瀉黃散玉露飲皆可服之次消黃散點擦舌
上蓋舌者心之管心熱則生瘡破裂肝壅則血出如
湧脾閉則白胎如雪熱則腫滿風則強木口合不開
四肢壯熱氣喘語塞卽其候也治法涼解上焦及心
肝脾三經邪熱疎風化痰初用百解散加五和湯水
薑燈心煎投次以牛蒡湯同當歸散入生地黃水薑

煎服 治法用局方中紫雪貳錢半竹瀝半合和之時時抹入口中自消 百草霜滑石芒硝爲末酒調傳

瀉黃散

脾

玉露飲

積熱

消黃散

治風熱上攻舌硬腫大不消

風化朴硝

真蒲黃

各半兩

右蒲黃晒乾爲末同朴硝乳鉢內細研勻每用一字或半錢點揩舌上下

百解散

急驚

五和湯

失血

牛蒡湯

咽喉

川硝散 治小兒木舌

朴硝 壹兩

真紫雪 伍錢

食鹽 貳錢半

右爲細末每服五分入竹瀝三兩點用白湯調塗
舌上嚥津無妨

舌白胎丹溪云舌上生如微粒桑白皮汁傅之三兩
次妙

舌上瘡本草治小兒舌上瘡飲乳不得以白礬和雞
子置醋中塗足底二七卽愈 千金方以蜂房燒灰
屋間塵各等分和勻傅之 又以桑白汁塗乳與兒
飲之 又以羊蹄骨中生髓和胡粉傅之 外臺小

品以烏賊魚骨燒末雞子黃和塗之 嬰孺燒葵根
爲灰每日少許傅之 張雞峰方野薔薇根剉碎每
用一匙頭以水二盞煎至六分去滓熱含冷卽吐了
治口舌生瘡久不瘥

舌上血出千金翼治舌上黑有數孔出血如涌泉此
心臟病也方

戎鹽

黃芩

黃檗

大黃

各伍兩

人參

桂心

各貳兩

甘草

壹兩炙

右七味末之鍊蜜丸如梧子每服

十丸日三服仍燒鐵烙之

諸失血證

曾小兒九道出血何爲而然蓋人之所有者血與氣也心者血之主肺者氣之主氣主响之血主濡之榮養百骸灌漑經脉升降上下榮衛諧和自然順適一或不調疾由生矣或外爲六淫所侵內因七情所沮氣乃留而不行血乃壅而不濡內外抑鬱不能流注以榮於身必有妄動之患叔和以芤脉爲失血之義在七表屬陽故也陽明主乎多氣多血未有不因熱而得蓋氣血俱熱熱鬱內逼失其常度是以妄行

有在襁褓患此證者固非七情所傷皆因乳母執著不自寬釋及啖辛辣之物流于乳絡兒飲之後停滯不散鬱蒸於內亦能動血或居重幃暖閣火氣熏逼不令常見風曰積溫成熱熱極則湧泄或吐或衄或大小腑亦多血來者 有氣虛而邪熱乘之則血不得循流故道滲於諸經亦生走失之證其面眇白脉沉微血淡紫口氣緩是也 又况嬰孩脆弱易虛易實因熱內攻血隨氣行或壅而上逆或下而忘返遂有吐血衄血瀉血溺血之證然而血不苟動因氣使之風不自生因熱而起由是而論可以類推治法先

明虛實審得病源隨經施治藥餌無差則不失其機
要 實則小柴胡湯加生地黃絲茅根或苦參亦好
並用水煎服或咬咀五苓散合五和湯亦加絲茅根
苦參水煎及投消毒飲次用局方雞蘇丸三黃丸間
服 虛則理中湯及人參芎歸湯皆可服間有醫者
見其血盛以爲熱極過投涼劑遂使血寒不能歸源
而妄流其色紫黯而凝滯或成小片當服薑附之劑
以溫之自然流暢毋致妄行爲佳

小柴胡湯

潮熱

五苓散

驚

五和湯

裏熱

消毒飲

喉痺

者失血登吐血

力斗三

二下

一五

局方雞蘇丸

大吐血

三黃丸

裏熱

理中湯

吐瀉

人參芎歸湯

治九道血妄行

人參

去蘆

川芎

當歸

酒洗各半兩

荊芥

貳錢半

右每服貳錢水一盞煎七分溫服無時

黃芩丸 治小兒衄血吐血下血

右以黃芩爲末煉蜜丸如鷄頭大三歲一丸濃鹽湯下柏葉石榴花爲末吹鼻治衄血吐血一方定州薤器末治嘔血破血止血

茅花湯 治鼻衄不止吐血下血

用茅花一大把水三盞煎濃汁一盞分二服卽瘥
無花根梗代之兼治血痢黑痢

吐血全嬰論云夫吐血者榮衛氣逆也榮者血也衛者氣也榮衛相濟不失常道一有所勝則致妄行血者水也決之東則東流決之西則西流氣之使血其勢如此巢氏云血者是有熱氣盛而血虛熱乘於血血性得熱則流散妄行氣逆則血隨氣上故令吐血也又或飲食太飽之後脾胃內冷不能消化忽吐所食之物氣血相衝因傷肺胃亦令吐血若久嗽氣逆

面目浮腫而嗽吐血者是虛損也 薛清者爲榮濁

者爲衛榮行脉中衛行脉外蓋榮者水穀之精氣也和調於五臟灑陳於六腑故能入於脉夫榮者陰血也所主在心統化在脾藏內在肝宣布在肺輸泄在腎灌漑一身滋養百脉諸經由此而生毓焉然血之所統者氣也故曰氣主煦之血主濡之是以氣行則血行氣止則血止陽生陰長夫倡婦隨之道也若氣一傷則變證百出故妄行則吐衄衰涸則虛勞降下則便紅熱陷則溺赤滲於腸胃則爲腸風陰虛陽搏則爲崩漏此皆氣有殄戾之乖而血乃生滲溢之患